

**Cor Deo Devotum Jesu Pacifici Salomonis Thronus Regius,  
Seu Meditatiunculae Exquisitissimæ**

**Luzvic, Étienne**

**Coloniæ, 1729**

XV. Jesus in amantis corde requiescit.

---

[urn:nbn:de:hbz:466:1-60085](#)

voluptates : è contra verò JESU absente terram animis caliginem offundi, irruere turmatim calamitatum agmina, turbas, desperationes, metus, mœtiores, tædia, torpores, molestias.

*Colloquium* dirigeretur ad B. Virginem, à qua summo enixi, submissique animi studio exposcam facultatem mihi bona ipsius venia concedi : ut quod ipsa præcivit, *Magnificat anima mea Dominum;* (a) idem mihi concinere liceat: præsertim cum ea etiam, quæ à filio beneficia accepi, sint infinita; simulque invitabo ad cantum non Angelicos modò Spiritus : sed res creatas omnino omnes illo Davidis Psalmo: *Laudate Dominum omnes gentes.* (b)

Pater.

(a) *Luo. 1.* [b] *Psal. 116.*

## J E S U S in amantis corde requiescit.

### Expositio.

1. **Q**uamdiu eorū in Deo, Deus in corde conquiescunt  
(quod sanctā voluntatum consensione efficitur)  
cœlum tonet, fulminet, terra motis sedibus nutet, elementa  
rumultuentur, tentationum venti insaniant & prælientur,  
stabit cor quietum, ridensque.

2. Cū JESUM sumptā Venerabili Eucharistiā in cor  
excepisti: istic placide dormientem heus tu ne suscites, sive  
tragicō calentis cholera strepitū, sive aliarum passionum cla-  
more incondito, sive quavis aliâ silentii interruptione, ac  
ne mutu quidem.

3. Tu verò indormisce, mi JESULE, & (isti lubet) somnum  
capta: cor tibi ad sternimus: stat prater te amare neminem.  
Stat tibi uni datam fidem nunquam frangere, insurgant li-  
cer venti, & maria obmurmurent.

Praeceptum

## Preambulum ad Meditationem.

**E**go dormio & cor meum vigilat. ( a ) Vox est aman-  
tissimi JESU: file igitur cœlum, file terra: JESUS  
in thalamo cordis dormiens placidè quiescit: frustra  
tumultuamini importunæ auræ; Cor. cui JESUS incu-  
bat, in tuto est, navis jam portum tenet, quam ars ma-  
gistra tam divini navarchi dirigit. Cessa Aquilo, ah  
frigide, gelide, infeste Septentrionis advenia, infaustos  
halitus cohibe; tu enim cœlestium gratiarum rivos  
exhauris, hominum corda ignavo gelu constringis &  
frigore propè enecas. tu arbores foliis, fructibusque  
expolias, pruinis, ac brumali lanugine terram horri-  
dam reddis, naves licet instructissimas confringis, in-  
famique haustas gurgite funditus perdis.

Cessa tu, Meridiane hostis, nimbose Auster, moro-  
se, calide, theumatice, ac ( quod fœdius est ) incensor,  
& fax libidinum, compescere flatum exitialem, quo om-  
nia exuris, humores commoves, divini amoris faces  
extinguis, nervos succidis, animos enervas, & langui-  
dos effici.

Tuque cessa, Occidentalis plaqæ slabrum, non mo-  
dò creber procellis, sed etiam auræ pestilentis afflatu  
lætifer Africe, frustra hic baccharis; nunquam cor  
istud concuties, in quo JESUS requiescit.

Tu verò Orientis solis ventilator blandule Eure, seu  
subsolanus, seu magis Vulturnus amas dici, qui secun-  
dæ, ridentisque fortunæ ventos afflare crederis, insol-  
lentes illos tuos spiritus remove. Cor enim divi-  
nis intentum, inæstuansque amoribus non audi.

Nunc ad te venio, mi JESUle, dic agesis, quis iste est  
sopor, qui te fessum de lenifisco imbre recreat? quon-  
dam

(a) Cant. s.

dam fatigatus in meridie (a) sedebas ad fontem, missam Samaritidem præstolans, cum qua velut alter Jacob cum altera (b) Rebecca novum connubii fœdus percuteres. Alias itinerum molestiis fractus, extincto die in montium juga secedebas, (c) lassata membra brevi quiete refecturus, quam mox ardentiore precan-  
di studio vix inchoatam abrumperes. Hic vero dormiens quid agis? neque enim ita totum te somno sepultum jacere, aut in otio cubare arbitror: ut nihil meditando agites. Nisi tuus me amor fallet, jam tecum tractas, opinor. sacrum istud connubium quod cum Ecclesia, immaculata sponsa, ad bene auspicata crucis arborem aliquando inibis, quando te sponsum sopor mortis devinciet, atque ex sopiti aperto latere Eva illa altera existet; sicut olim. Eva (d) prior, communis hominum parens, e costa Adami repente exædicata emersit, dum hic extatico, propheticoque somno abreptus detineretur. An forte multa tacitus volvens, ac revolvens, quam novæ sponsæ confecturus sis dotem, cogitas, fabricasque, credo jam illi capitibus ornamenta, inaures, monilia, cycladas, gemmatas vestes, sponsalia decora, ac munera. Describis jam in animo formulam & solemnes matrimonii tabulas, quod olim in publico totius orbis theatro cum Ecclesia, animaque sancta celebrabis. Attendis quanta ipsius sit elegitas, quanta ab omnibus rebus inopia, quam servilis conditio, quæ reliqua sit miseriatur omnium lauta sanè supplex, qua una apprimè instructa est, atque locuples.

Ergo lætiora, ominatoria sunt, quæ istic vel dormiens agitas. Inter molles enim somnos, quos in humano corde carpis, destinas jam animo amplissimam gloriam, quam ei prodigâ manu concessurus es,  
qui

(a) *Ioan. 4.* (b) *Gen. 29.* (c) *Luc. 6.* (d) *Gen. 2.*

qui eam gratiam in te humaniter excipiendo, habendoque à te inierit, hoc nunc scilicet tractas, volvis, revolvis, destinas.

O magne Jacob, dum duro saxo caput reclinans  
indormiscis, quām divīna, quām mira sunt, quæ ad-  
spicis; scala verò illa, quæ terræ incumbens in cœlum  
usque porrigitur, quot ascensum, descensumque alter-  
nantes Angelos ostentat! Jacob uti ex sacra historia  
accepimus, (a) Esau fratri plusquam novercalia odia,  
ac furias fugiens, in Luza per venerat: saxum sternit  
pro cervicali, pro geniali thalamo in humo nudâ ipse  
prosternitur, & ecce scalam vider terrâ in cœlum sur-  
rectam, Deum in extremo gradu innixum ascendentem  
descendentesq; Angelos: tum verò attonitus ac horrens  
exclamat: *Verè Dominus est in loco isto, quām terribilis est lacus!* neque multò plura, lapideam ritè inungit, aram  
exstruit subitario opere, Numini suo gratias agit,  
loco Bethel nomen imponit. O parve Jacob, aman-  
tissime JESU, in corde meo requiesce tantisper (nisi  
hoc est grave) sit durum istud licet, sitque pro molli  
pulvillo ac thoro saxeus lapis, emollescat, scio, statim  
ac misericordiæ tuæ oleum superfuderis. Cor ita tibi  
ritè dicatum Bethel, id est, *Dei domus nuncupetur:*  
vanitatis autem domus ah! nunquam audiatur. Obsfir-  
ma istud, Deus meus, & altis radicibus fige, ne incon-  
stantiæ venti aut turbines quatiant: sed stet uti mar-  
pesia cautes in medio mari illis fluctibus, & fluctus  
eludens.

(a) Gen. 28.



MEDI-

## M E D I T A T I O.

## Oratio preparatoria.

## Actiones nostras. &amp;c.

**P**Ræludium. *Motus magnus factus est in mari: ita ut navicula operiretur fluctibus: ipse vero dormiebat.* (a)

1. *Punctum.* Considera nidulum, in quo anima sancta vivere; ac immori debet, esse amantissimi JESU coronam spineam, siquidem haec ita alte sacro sponsi vertici defixa haeret: ut eam evellere nemo possit: atque ita tuta est istuc statio, firmaque pax: quare cum Jobo viro sanctissimo accinam. *In nidulo meo moriar,* & sicut palma multiplicabo dies, (b) ita inquam novam semper meritorum in me accessionem fieri curabo; ut nullus mihi dies excidat, quo ad virtutis, sanctimoniæque summi calcum non adjecero.

2. *Punctum.* Lectus in quo quiescere JESUS amat, est plorum cor, ipsiusque amori dicatum: ibi si JESUS excubat vel dormiens; in tuto cubant omnia; frustra enim ventos, turbines, fulmina metuas. Huic enim velut Acrocerauniis scopulis allisi fluctus spumant duntaxat, mox fracti se reverberant, ac paulo post in nihilum recidunt.

3. *Punctum.* JESUS in martyrum cordibus quiescens ita eos generosos, obfatosque efficit, ut eodem vultu consistant in mediis sive aquis, sive ignibus: neque vero id mirum: JESUS enim quietem istuc dum captat, quietos facit. Sic quando JESUM sumptâ Eucharistiâ in cordis thalamum admisimus, nihil est quod obturbet, aut de gradu dimoveat, nimirum ibi agit JESUS, pax nostra. (c)

Cocco-

(a) Matth. 15. (b) Job. 39. (c) Rom. 16. Ephes. 2.

*Jesus amoris sagittis*

*Colloquium* dirige ad sublimissimum, & divinissimum Eucharistiae Sacramentum: primum extolle ipius vim, ac potentiam, quam tum in nobis ipsis experimur, quæ enim *Iesum* excipit, ac retinet anima, quam fortis, quam generosa, quam constans efficitur! tum verò invita *Iesum*: ut sæpe in cordis tui hospitium divertere, & quietem captare velit; ac cave dormientem excites: neū permitte, ut mundi strepitus, animique commotiones obstrepant, aut ne otiosa colloquia (tantilla enim recula impedit,) molles ipsius somnus interturbent.

*Pater.*

**J E S U S** amoris sagittis cor transfigit  
ac vulnerat.

*Expositio.*

1. **B**one mi jaculator; ah fode, refode, transfode, sagittis decies mille cor istud pridem divino tuo amori refractorium, ac rebelle, intus occido, macta omnem amorem, quicumque à tuo alienus est, aut abhorrens. O suavia, chara mihi vulnera! ô tincta mellia tela

2. Tu verò, cor meum, ulciscere eas injurias, iam suaves, tam acceptas; atque ex parte tuâ in *Jesus* cor ejaculare multiplici jactu tela mille, mille pios amores, mille globos ignei amoris.

3. Nusquam cordi est melius, quam cum transfixum est milte cuspidibus acuti amoris, doloris; si modò sincerus *Iesu* amor flammis injicar, quibus dolore coquar, amore ardeam.

*Praambulum ad Meditationem.*

**Q**uid verò hic tu, Fordidule Cupido? adeone deputuisti, ut consistere audeas, ubi amor meus JE-